

四庫全書

子部

欽定四庫全書

子部

萬姓統譜卷

七十九至
八十三

詳校官中書_臣徐志晉

主事_臣祁韻士覆勘

總校官知縣

_臣

楊懋珩

校對官中書

_臣

李 棻

謄錄監生

_臣

沈安邦

欽定四庫全書

萬姓統譜卷七十九

明凌迪知撰

上聲

八聲

米

京兆徵音出西域米國又望出隴西高平

米

後漢人與田盤陳耽薛郭宋布唐就
荒谷宣褒爲八及張儉等亦名八及

唐米

嘉榮長慶間人善歌劉禹錫詩云唱得涼州意外
聲舊人惟有米嘉榮又三朝供奉米嘉榮能

慶新聲作舊聲

子和尤善琵琶

米君立

將軍

米暨

會昌中為振武軍節度使
饋李德裕四百羊

五代
米志誠

宋
米信

少悍勇以善射聞太宗雍熙二年征幽薊命信為幽州西北道行營馬步軍都部署敗契丹于

新城契丹率眾復戰王師稍却信獨以麾下龍衛率三百禦敵圍之數重矢下如雨信射中數十人麾下士多死會暮信持大刀率從騎大呼殺十數人敵遂少却信以百餘騎突圍得免坐失

律議當死
詔特原之

米芾

字元章吳人號海嶽外史為文奇險特妙于翰墨畫山水人物自名一家精于鑒裁遇古器物

米立

淮人三世為將從陳奕守黃州奕降元立潰圍出江西制置使黃萬石署為帳前都統制元兵略江西立迎戰被執不降遣萬石諭之立曰侍郎國家大臣立一小卒爾何足道但三世食趙氏祿趙亡何以生為竟不屈遂遇害

米文義

侍衛都指揮使

米憲

嘉泰中守瑞州先是三賢堂在酒務之右祠東坡樂城米憲後黃山谷易曰四賢堂

元

米安

本聖州人性淳素尚簡古隱居不任能以義方振家聲

明

米稚

清遠人洪武進士

米顯

乾州人永樂進士

書畫極力求取由洽光尉累
官禮部員外郎知淮陽軍

米友仁

芾子字元暉古俊早成山谷有元暉少印章
因名以為字乃贈絕句其文詞書畫深得家

法紹興間為工部侍郎知制數文間韻語陽秋
載其不及陪東坡往金山作水陸與棲雲閣二
詩謂其超出翰墨畦逕之表蓋自邁往凌
雲之氣流出非尋規索矩者之可到也

米僕

武功人與化源同鄉里西人皆敬之登政和進
士時通判源州劉豫欲官之杜門謝避卒不污

偽命

米巨宏

紹興初以寧化丞攝連城縣事當寇亂之
餘緝廩宇修學宮給田以養士人咸頌之

米悠

襄陽人
判滁州

米卿爵

正德中安
莊衛貢士

米榮

字仁夫邠武人嘉靖
壬辰進士歷副使

禰

平原父廟為禰此從父而別姓也

禰衡

平原人少有才辯尚氣剛傲曹操欲殺之憐
其才送之劉表荆州士大夫皆賓禮之表又送

之江夏太守黃祖為祖所殺時年二十六
平生之文多亡失惟鸚鵡賦為世所傳

禮

見姓苑望出平原

周禮孔

衛大夫

禮至

見左
傳

米森

霍州人永樂舉人

米聰

元城人宣德中任督府斷事

米容

山陽人宣德舉人主事

米擴

文水人宣德舉人

米盈

武宣人正統中任瓊州府通判

米堅

山東人正統中以御史謫監利知縣為政平易士民思之

米浚

和州人成化中任眉州知州

米成

隴州人正德中任宿州判

元邱亨

行唐入真祐間河朔兵起因結豪傑用保鄉曲累從史天澤巴延有戰伐之功賜金符總七路

萬戶府事贈昭勇大將軍中山郡侯

邱順

亨子破賊黨石海等保障恒民以功封至恒州等處都元帥子浹從世祖圍鄂有功累遷鎮國

上將軍都元帥進封高陽郡公

明

邱鵬

唐縣人洪武進士

邱善

高陽人洪武中任苑馬監正

邱振

易州人正統中任交河縣訓導

邱郅

高陵人天順中任魏縣主簿

漢禮震

平原人光武時師事歐陽歙歙為汝南太守在郡教授數百人徵為大司徒坐在汝南臧罪千

餘萬發覺下獄諸生守闕為歙求哀者千餘人至有自髡剔者震年十七聞獄當斷馳之京師

行到河內獲嘉自繫上書求代歙死

禮賢

新市長

邳縣名出姓苑望出中山

漢邳杜

上都太守

南邳珍

高觀使邳珍奪徐州管鑄

唐邳懷道

左司郎中山人

欽定四庫全書

萬姓統譜

璽

本朝璽書

陽谷人正德中任富峪衛經歷

洗

見姓苑望出南海

隋洗瑤徹

高涼守

宋洗積中

廣信人

洗一龍

進士番禺人

明洗用行

番禺人永樂初為鎮江府推官斷獄平允甚得民心士論賢之

洗尚文

用行孫廣東人正德進士改庶吉士

邱定 昌黎人弘治中
任揚州府照磨

邱泉 昌黎人弘治中
杭州府通判

邱錦 隆慶庚午舉
人嵐縣人

邱如翼 山西嵐縣人萬曆
間山東蒙陰丞

陝西城固
縣有邱姓

啓 夏后啓之後

南啓倫 燕將
北軍

啓崙 曲江
人

濟 襄城以所居近水故以為氏

禮 見姓苑

體 上禮切見姓苑

九蟹

解 商音平陽唐封虞子良食采于解以邑為氏又望出濟南

周 解揚 晉人奉使如宋使無降楚楚執而厚賂之使反君命卒致君命楚欲殺之以其不屈既而歸之

解孤 悼公問羣臣于祁奚舉解孤孤奚之仇也

漢 解延年 御史大夫

洗文淵

廣東順德人正德四年由鄉貢知南安縣性方介不能徇上以奸頑犯者無曲貸然其愛

民出自真誠民感之徭役賦稅皆以時會無後期者居官清苦食無重味衣無重襲沖約如寒

士

洗桂芳

南海人萬曆癸酉舉人

洗思謙

南海人

且

明且簡

觀城人正德中任潞州判官

躬

見姓苑

解曄

雁門人母有疾夜禱聞空中語云須丁公藤為酒便瘥叔謙遍訪至宜都郡山遇老翁伐

木問之曰此丁藤叔謙求歸漬酒母飲之疾瘥

唐解琬

元城人舉中幽素科景龍中為御史大夫兼朔方行軍大總管前後在邊積二十年務農習戰

專為長久計
遠近安之

解輝

翰林
孔目

解忠鯁

著龍武立
兵圖二卷

宋解暉

臨洛人少有勇力奇謀從太宗征淮南開寶年破太原軍于境上累戰有功淳化二年以上將

軍致仕卒年八十暉每受詔征伐常身先之人所憚者暉視之若甚易由是頻立戰功金創遍

解光

司隸校尉

晉解修

任為渤海太守考績為天下第一武帝受禪封梁鄆侯

解福

秦太僕

解系

字少連修子濟南人系及二弟結育竝以清潔著名系累遷雍州刺史與趙王倫討氏羌倫用佞人孫秀與系爭軍事朝廷知系守正而召倫還系表殺秀以謝氏羌不從被秀譖免官尋為

所害

解結

字叔連少與系齊名辟公府掾累遷黃門侍郎散騎常侍豫州刺史御史中丞為孫秀所害弟

育字穉連名亞二兄歷太子洗馬與二兄同時被害

南江北
道僉事

明

解縉

字大紳吉水人幼穎悟絕人洪武中舉進士選為庶吉士嘗條陳政事言極切直永樂間累官

翰林學士凡大制作咸出其手每預密議後出為廣西參議卒于獄平生重義輕利喜引拔士

類襟宇濶略為詩文皆豪放草書尤精絕洪熙間官其一子

解敏

陽武人性剛勁務學明敏以古人自期洪武中進士積官浙江按察使政聲著聞超拜右都御史

解禎

期縉子縉坐事下獄藉其家產徙邊至是召還以禎期嘗工書故擢用之

解綸

字大經吉水人洪武戊辰與弟縉同舉進士任御史

體時稱驍將子守顯至
內殿崇班閭門祇候

解元

字善長保安軍德清若人猿臂善騎射從韓世忠平苗劉之亂後以戰功累官保信軍節度使

辛贈檢校少保

解潛

紹興初為荆南鎮撫使募人耕荒田收大利紹興中屯田自此始疾劇張九成往候之泣曰平

生誓與敵死此心忠義惟有
天知言終而逝九成壯之

解賓王

直秘閣

元解誠

定興人善水戰多謀略為水軍萬戶從攻安豐壽復泗亳取大理有功世祖嘉獎之卒追封易

國公諡武定子汝楫襲從平宋卒亦追封易國公諡忠毅孫帖哥廣東道宣慰使曾孫世英山

五代 買對千 將軍

元 買住

明 買源 河內人 成化舉人

買濟 河內人 正德中任懷寧縣主簿

哈

元 哈珊 常德府人

明 哈新民 長葛人 洪武初任御史

哈民安 新民子 洪武中以人材任給事中

解朝夫

名繪以字行吉水人永樂丙戌進士任御史

解延年

棲霞人正統中進士授戶部郎出知順慶府政先德化郡民祠之著有物類稿

解禮

鄆陵人幼純篤父母歿廬墓側負土墨墳手栽柏樹數千株欲開井以資灌溉一日偶出廬行

數步如有人附耳者曰此有井及掘地果得一井復有雙兔馴擾墓上人稱其孝焉

解一貫

交城人正德丁丑進士嘉靖六年謫開州判少有才名發解三晉陞齊陽縣知縣歷都給

中事

解明瑞

字希文太平建陽衛人嘉靖丙辰進士歷按察副使告病屢薦不起

買

楷 見姓苑

駭 見姓苑

十賄

隗 餘杭宮音春秋時翟國隗姓子孫因氏焉

周 隗林 秦相

漢 隗囂 成紀人李父崔素豪俠聞王莽兵敗謀起兵應

復元年據天水更始敗士大夫皆歸囂素謙恭
下士由此名震西州建武初鄧禹承制以囂為

西州大將軍囂將王元勸其據險自守
後光武西征囂奔西城而死子純降

哈銘

順天玉田人正統間錦衣千戶從北狩歷錦州指揮

哈昭

天順間以江西守備禦敵死于陣

哈永森

瀘州人弘治中任茶陵州判官

假

上聲望出陳留

漢假倉

迺

元迺穆泰

字景春三山人至正末以延平路總管監南安縣時當寇亂調度轉輸以給軍餉勞徠綏

輯以復流亡復以政暇修舉學校時稱良吏

漸因故藏金以待知我善易故書版以寓意耳
金五百斤或以青甕覆以銅棹在屋東去壁一
丈入地九尺
掘之如卜

隗瑾

高昌人勸
梁主納諫

明

隗邦衡

潛江人嘉靖
乙丑進士

隗應元

嘉靖中山西舉
人任平鄉尹

隗稷

富平人萬曆間
四川資縣知縣

海

見姓苑望出薛郡齊海春之後

唐海鵬

撰草涇
一卷

隗崔

鷲叔父白虎將軍勸囂歸漢

隗久

陳敬王容

隗相

隗相乃就飲食相以舟汲之患其流急後江心忽湧

出一石舟乃可依人以為孝感所至朝廷徵拜為郎

南隗禧

字子牙京兆人少好學三輔亂禧擔負經書誦習之拜郎中年八十餘以老處家就之學者甚

多

晉隗炤

汝陰人善易臨終書板授妻曰後丑年春當有詔使來姓龔此人負吾金即以此版往責至期

果有龔使至妻齋版往使者惘然良久乃悟取著筮之嘆曰妙哉吾不負金汝夫自有金知汝

海瑞

字國祥廣東瓊山人舉人嘉靖間戶部主事以直言歷大理寺丞應天巡撫南京提督糧儲都

史御

宰

徵音西河周大夫宰孔之後以官為氏又望出國

周宰予

字宰我孔門高弟在言語科為臨苗大夫

宰暄

魯人

漢宰直

任漢為司空掾

宰宣

弘農人

宰鼂

任為會稽太守

明
海源善

洪武中知安化縣新設縣治勤于政事謂人肌膚受之父母何可毀傷乃以熟皮為鞭使人

知愧而已民愛敬之不忍欺焉

海淵

廣東人洪武初戶部尚書

海岱

臨淮人正統中四川射洪縣知縣

海澄

字靜之廣東電白人成化乙未進士任御史

海鯉

湖廣人弘治進士

海闊

電白人正德舉人

海輔

字汝寧上蔡人舉人正德中任撫州府同知

明

采鳳翔

鳳陽人嘉靖中浙
江海寧衛指揮

亥官氏志侯亥氏改為亥氏望出河南

周

亥唐

晉人隱
居賢者

載

即戴之訛也

漢載戴

宋載永

太平人
登科

每

漢每當時

印
載

宋

宰需

揚州人
登科

元

宰獻

番禺人至正
丁未進士

明

宰用

山後人成化中以寧川衛指
揮歷陞都督僉事鎮守四川

宰魁

濟陽人弘治
中贊皇知縣

宰正

保安人弘治中
任四川都指揮

宰卿

海豐人嘉靖中
六安衛指揮

采

黃帝封其子于右北平采亭因氏焉

漢

采皓

度遠
將軍

宋鬼通

環慶路
巡檢

在

晉在育

汝南
太守

揣

明揣本

泌陽人永
樂舉人

待

見姓苑

毒

見姓苑

數

入親隲數之後以王父字為氏

靄

明靄翠

阿畫之後任元為四川等處行中書省左丞兼順元等處宣慰使本朝洪武初歸附授懷遠將

軍世襲宣慰使

今安氏其後也

靄郁

泌陽人永樂舉人任邯鄲縣知縣居官勤慎操行剛方勸農桑興學校士民懷之

靄霞

泌陽人成化舉人

改

周改產

秦大夫

鬼

萬姓統譜卷七十九

漢閔業

取況門下掾與寇恂同勸況歸漢有功拜關內侯遷西太守

閔貢

字仲叔太原人世稱節士客居安邑家貧日買猪肝一片屠者或不肯安邑令聞之勅吏常給仲叔怪問而知之歎曰閔仲叔豈以口腹累安邑邪遂去沛漢建武中以博士徵不至

閔堪

王霸鄉人光武以為都尉後拜代相弟林為代太傅

晉閔鴻

廣陵人與薛兼紀瞻顧榮賀循號五雋初入洛司空張華見而歎曰此南金也陸機陸雲奇之

曰此兒非龍駒當是鳳雛有集二卷

南閔湛

著作令史註禮傳

閔亮

尚書

欽定四庫全書

萬姓統譜卷八十

明 凌迪知 撰

上聲

十一軫

閔 隴西宮音閔損之後

周閔馬父 魯大夫

閔損

字子騫孔門居德行科不仕大夫之家性孝後母衣損蘆花已二子以絮父知欲出妻損告曰

母在一子寒母去三子單母感之遂成慈母

閔敷

閔從周

閔叔獻

南陽人
登科

閔魯

河南人
烏程尹

閔汾

奉新人
景祐進士

閔涇

新建人
紹聖進士

閔瑞

諸安人
紹聖進士

閔大雅

奉新人
嘉定進士

閔弼

後魏鴈門人
秘書郎

唐閔勛

潭州留後

宋閔惟慶

歛人屯田員外郎景德進士子從周都官員外郎天聖進士孫師文南安軍通判崇寧進

士

閔瑱

鎮南節度使

閔師文

宣和間教授兼道源書院山長

閔端義

嘉定進士

閔昌言

明 閔良

洪武中杭州舉人

閔巽

字順甫浮梁人
正統戊午舉人

閔乾

浮梁人正統元年舉賢良方正為海寧縣丞處
事簡徑清軍有方秩滿父老盈道送行陞知漳

浦縣

閔逸

都昌人正統六年石首縣丞

閔悌

橫州人正統進士

閔鼇

浮梁人

閔完

浮梁人俱
正統舉人

閔仁應

浮梁人咸淳進士

閔師厚

與鄭澥榜及第只壓得陳傳一名自賦云有眼不堪著鄭澥回頭猶喜得陳傳

閔希聲

皇祐末令邑勸課有方催科不擾抑強植弱周貧甦憊即其勤政惠民雖古稱循良何以

加馬祀名宦祠

元閔本

河內人性剛正敏給始為御史臺掾平反冤獄甚有聲五轉為吏部尚書移刑戶二部皆以能

見稱嘗上章乞謝事不允詔授集賢侍講學士及大兵薄京城本乃北向再拜大書其職銜姓

名于屋壁與妻程氏及二女皆繼死

閔仲達

瑞遠人

閔寬

字大臨浮梁人中鄉舉倅濟南預修漕河改寶應時征夷饋餉不乏轉德安同知戎籍以清應

城巨盜受約束擢兩

淮運同歸無長物

閔鶚

字廷舉浮梁人成化丙午福建寧州學正

閔蔭秀

浮梁人成化舉人

閔謙

嘉興人成化舉人

閔玄

浮梁人幼失父誠心事母母沒廬墓服闋復追父喪三年仍服除三十餘年廬墓如居喪日成

化問事
閔旌表

閔槐

字公甫任丘人弘治乙丑進士歷按察副使

閔安

字安仁浮梁人
景泰庚午舉人

閔宏

字子達浮梁人
天順己卯舉人

閔珪

字朝英烏程人天順甲申進士授御史有風力
按歷河南等處在在有聲陞江西按察副使轉

廣東按察使尋陞都察院左僉都御史巡撫順
天尋陞刑部侍郎弘治辛亥以閔珪素諳兩廣
民情陞右都御史總領軍務陞左都御史掌院
事臺綱肅然尋陞刑部尚書贈少保諡莊懿珪
剛直端莊侃侃
持正為時名臣

閔鳳

字廷儀浮梁人
天順己卯舉人

閔彥忠

名恂以字顯浮梁人飭行教家里
人化之累薦而不起有芸軒集

閔旦

字景周浮梁人嘉靖壬辰進士歷郎中

閔煦

字和卿任丘人嘉靖乙未進士歷刑部尚書

閔如霖

字師望烏程人莊懿從孫嘉靖壬辰進士選庶吉士授編脩尋轉諭德奉勅纂修會典繼

掌國子監嚴身率物不苛細六館之士至今德之壬子以禮部侍郎兼學士主教庶吉士與多士高論國家大故使知輔養所急尋改吏部掌詹事府丙辰陞南京禮部尚書霖寬大優贍三典文衡一主武舉較閱精密稱得人歷官清華應制敏捷心虛神朗遇事能斷贈太子少保子道孚官生道鳴舉人

閔宜劬

字安卿莊懿公孫年弱冠舉嘉靖辛卯鄉試己未授應天府通判事尚簡易不樂煩苛實

閔楷

字正甫任丘人弘治乙丑進士歷官刑部尚書

閔銘

潁州人弘治中任教諭

閔魯

南昌人正德舉人任知縣

閔富

鳳陽人主東鄉縣簿斤斤執法不侵費百姓一錢其長考之曰吏迹儒心後卒于官長厚賻之

而歸其喪

閔以仁

四川渠縣人正德中自華陰簿陞知孝義縣性勤敏日夜不輟課樹藝興學政給諸楮膏

之費時其優劣以激進之繼脩孔廟浚築城隍雉堞凡縣事幹理無遺蒞政有餘材未幾卒于

官民咸嗟咨之

上古尹壽堯師居河陽說道德經教以無為之道又傳道與彭祖見古今人表

周尹吉甫

房陵人宣王內史初宣王勵精中興修文武大業乃命吉甫北征儼狁後宣王自將伐淮

夷命吉甫策程伯休父為司馬申伯封謝仲山甫城齊吉甫咸作詩以贈送之

尹鐸

趙簡子使為晉陽請曰以為繭絲乎抑為保障乎簡子曰保障哉于是損其戶數民寬以和

尹伯奇

吉甫子事後母孝無衣無履踐霜挽車韓愈為之作履霜操張橫渠云勇于從而順令者

伯奇也

尹軌

杜仲有道之士也周穆王召之居終南山尹真人草樓因號樓觀道之名始此

尹喜

周時人為函谷關令望見紫氣又占風而知有神仙過老君果至授喜鍊氣內修吐納之道三

心應事不屑毀方瓦合忤上官調兩淮運判轉
荆州府通判築堤防水人稱為閔公堤劬素性
淳確不懷機心言無枝葉動遵矩度業
承世胄無異寒素君子稱其有儉德云

閔嘉慶

字原禮莊懿公曾孫由國子生任東城兵馬
指揮卒于京原禮魁梧白皙而長善為容個

儻正直言語不阿亦不談人隱惡鄉族人多愛
敬之鄉族人有爭者輒居間講解至出已貲以
為媾有從弟其恕者家貧好讀書原禮數遺之
錢粟待庶弟庶姪推已所有撫摩訓育尤人所
難蓋鄉邦
之善士云

閔文慶

嘉靖壬子江西
解元浮梁人

尹

天水徵音少昊之子封尹城又師尹以官為氏又望
出河間

尹勳

字伯元鞏縣人伯父睦為司徒宗族多居貴位而勳獨自持清操察孝廉為邯鄲令有異政桓

帝誅梁冀勳建大謀封都鄉侯遷汝南太守終大司農

尹敏

堵陽人初習歐陽欽尚書後受古文建武初上疏陳洪範消災之術拜郎中帝以敏博通經記

令較國讖敏對以讖書非聖人所作帝不納任終諫議大夫

尹珍

牂牁郡人桓帝時珍自以生于荒裔不知禮義乃從汝南許慎應奉授經書圖緯學成還鄉里

教授于是南域始有學

尹牙

字猛德廣州人家寓合浦仕為郡主簿太守南陽終寵到官三嘆哀形于色未嘗啟笑牙造膝

請曰伏見明府四節悲歎有慘戚之思者何也寵曰父為張太尉所害眾仇未報是以長愧耳

宮正一
之法

尹何

鄭人子皮欲使為邑子產曰不可猶未能操刀而使割也子有美錦不使人學製焉大官大邑

尹亶

識吳夫
差自敗

尹文

處士著尹
學三卷

漢

尹翁歸字子兄平陽人文武兼備清潔廉讓歷弘農都尉地節中徵拜東海太守以高第入守右

扶風治為三輔最三子皆為郡守少子岑歷位九卿

尹齊

東郡荏平人為御史以廉稱武帝使督盜賊斬伐不避貴勢有能名拜為中尉

尹良

烏程人光武時封
海昏侯辭不就

尹頌

桓帝時以光祿
勳尹頌為司徒

尹虞

長沙人慷慨有志操永嘉初仕至始興太守值
杜弢之亂戰沒時二女為賊所獲曰我父二千

石終不能為賊婦有
死而已賊皆害之

尹岑

翁歸第三子
歷位九卿

三國尹默

字思潛梓潼人益部多貴今文而不崇章句默
知其不博乃遠遊荊州從司馬德操受學通諸

經史又專精于左氏春秋先主定荊州
以為勸學從事及立太子以默為僕射

晉尹耕叟

善化人為令致政家居元軍破城耕叟具公
服焚香告天誓無二志令其弟奉毋出遂自

牙乃為傭僕服自貶為人後至宛陵與張校圍
交通竭節於張伺其間隙出入三年乃先醉張
左右近侍以夜解縱諸馬令之亂駭張果出問
其故牙因手刃之持其首而還事聞天子義之
而不罪

尹興

明帝時為蘇守楚王英謀反陰疏天下善
士有興名英事覺逮詣廷尉獄赦還鄉里

尹賞

字子心鉅鹿人以三輔高第選守長安為虎穴
以大石覆其口收捕奸猾以次納其中百人為
輦覆以大石數日一發視皆
相枕籍死三輔吏民甚畏之

尹勤

字督梁屏居人篤性好學門外荆棘生
時人重其節後以定策功封福亭侯

尹更始

字翁君汝南人宣帝時以儒術進
治穀梁春秋拜議郎子咸大司農

唐尹嗣宗

襄陽人性至孝親沒居喪踰禮子平孫恭先曾孫仁恕皆有孝行王荆公詩云四葉表閭

唐尹氏

尹思貞

京兆人弱冠以明經第授司府少卿侍卿侯知一亦厲威嚴吏謂語曰不畏侯卿杖祇畏

尹卿筆

尹愔

天水人父思貞明春秋擢高第愔博學尤通老氏書玄宗召對喜甚厚禮之拜諫議大夫集賢

院學士卒贈左散騎常侍

尹怱

字守忠襄陽人父嗣宗居喪踰禮貞觀中特蒙旌辟結廬墳側若將終焉怱時年十三竭力備

養父疾篤怱不解衣歷年形貌頓瘠幾至隕滅父卒負土成墳朝夕號慟有紫芝產墓側州將

死繼

尹緯

字景亮天水人每覽書至宰相立勲之際常輟書而歎符堅敗緯輔翼姚萇萇遣緯詣堅堅問緯曰卿于朕何官緯曰尚書令史堅嘆曰卿宰相材王景略之儔而朕不知卿亡也不亦宜乎

尹毅

著論語註解二十卷

南
北
尹正

天水人梁蕭譽蒞雍州正為府參軍擒張纘獲杜彥皆正之力譽稱帝除正護軍將軍封新野

縣侯卒謚曰剛後配食營廟

隋
尹式

河間人博學解屬文少有令聞仁壽中官至漢王記室王甚重之及漢王敗式自殺其族人正

卿彥俱有雋才名顯于世

用及江南平首奉吉州牌印入京授左侍禁明宗時轉供奉官乘驛往來會計邊運潔已奉公

至老不衰明宗嘉之巡撫環慶奏商稅欺弊按其事得乾沒官錢十萬餘緡為時能吏云

宋
尹拙

潁州人性純謹博通經史顯德初拜檢校右散騎常侍國子祭酒通判太常禮院事與張昭同

修唐應順清泰及周祖實錄又與昭及田敏同詳定經典釋文周世宗北征命翰林學士作祭

白馬文學士不知所出訪於拙拙歷舉郡國祠白馬者以十數當時服其該博會丁憂免宋初

改檢校工部尚書太子詹事判太府寺遷祕書監判大理寺乾德六年以本官致仕開寶四年

卒年八十一子李通仕至國子博士

尹崇珂

天水人初仕周世宗以謹厚稱為殿前都指揮使宋初出為淄州刺史有善政民詣闕請

楊洪武奏忤誠信著於鄉里而淳孝通于幽顯
龍朔中刺史封道洪改其閭為南陔里張東之
為記子慕先孫仁
恕皆有孝行被旌

尹知章

絳州人少好學忽夢人持巨鑿破其心納若
劑焉驚悟志思開徹遂徧明六經仕為國子

士博

尹元凱

坐事免栖遲不出者三十年又有富嘉
謨吳少微等竝負文辭時稱北京三傑

尹正義

任為澤州法曹百姓
歌曰前得尹虎子

五代尹實

任梁為郢州刺史後歸高祖復守
郢州高從誨攻荆南實擊走之

尹承諤

初任南唐為衙將嘗陳便宜禁絕私謁後主
時授本邑制置兵馬監押輯睦將士樂為之

尹洙

字師魯源弟博學深于春秋為其謹嚴舉進士累遷起居舍人唐末以來文章寔敝洙與穆伯

長倡為古文以矯時所向自是文風少變慶歷中歷起居舍人

尹焯

字彥明源孫父林官至虞部員外郎焯師事伊川以篤行聞靖康初召至京懇辭還山賜號靖

和處士金人陷洛闔門被害焯死復甦避劉豫聘奔蜀止于洛紹興中召為崇政殿說書後遷禮部侍郎兼侍講有一室名六有齋取橫渠言有教動有法晝有為夜有得瞬有養息有存之

意一室名三畏堂取君子有三畏意所著有論語解及門人問答

尹起莘

字耕道遂昌人隱居不仕學問該洽嘗著資治通鑑綱目發明五十九卷行世

尹天民

字先覺會昌人為太學博士出知果州相如縣時王黼得政黼舊在太學乃天民所隸齋

刻石頌德太祖命李穆撰文後
征嶺表錄功遷保信軍節度使

尹憲

晉陽人。事太宗于潛邸。及太宗即位。為殿直通
延州保安軍使。屢立戰功。歷知瀛滄邢州。皆兼

兵馬
鈐轄

尹繼倫

沒儀人。父勲。郢州防禦使。嘗內舉繼倫可用。
太祖以補殿直。累遷都巡檢使。威虜軍乏糧。

太宗遣李繼隆發兵護送輜重契丹將邀之。繼
倫夜躡其後。擊殺其將冠兵大潰。自是相戒曰
當避黑面大王。以繼倫面黑故也。官至靈慶兵馬副都部署。

尹源

字子浙。河南人。博學強記。以文學知名。而自晦
不矜飾。舉進士。累官通判涇州。嘗作唐說及叙

兵十篇。上之。最後通判慶州。范仲淹韓琦薦
其才。召試學士院。源不肯試賦。除知懷州。

史後遷至右
諫議大夫

尹謙孫

字希呂茶陵人一字虛心事親以孝聞與其弟復孫自為師友肆力聖學武昌鐵峯張山

翁稱其文類西漢長沙王夢應言其以朱張心胃行韓柳筆法劉須溪亦取其詩列之詩宗

尹沖

先世淮南唐時任平南將軍鄱陽侯沖嘉定十七年甲申令房州竹山有惠愛秩滿歸鄉故子

孫號竹山尹氏子孫世居南鄉多以儒宦自業

尹沂

邠人幼聰明積學好古嘉定中建臺山書院延明經士以教邑中俊彥置田百二十畝以供祀

事瞻生徒一時士風大變書院至元末毀于兵

尹玉

寧都人以捕盜功為贛州三砦巡檢從文天祥勤王拒元兵戰于伍牧軍敗諸將皆遁惟玉殘

生也有強天民謁黼者天民笑曰見王丞相豈不得好官但恐為顏閔所笑後除侍講不就清

議高之

尹毅

長沙人性剛直莊厲為賦務裁典雅登進士第調常德推官知崇陽所至廉正有聲用荐擢知衡州需次于家潭城受圍帥臣李希禮以為參謀城將破乃與妻子訣令弟岳秀以存祀闔門縱火自焚數百人往哭之多感激死義者

尹瞻

溫江人以博通知名舉進士嘗通判永州建學誨士一日城中火且風瞻具朝服向火拜已而

風息火止

尹穡

兖州人建炎間自北歸南徙居懷玉山後徙上饒博學有文孝宗賜進士出身累官殿中侍御

縣治其費用有
度民不知擾

尹平

字伯洪吉水人洪武中授考功監丞改刑科都給事中又改浙江道監察御史彈劾不避權貴

命往湖廣詢察民瘼
考察官吏風采璧立

尹昌隆

字彥謙太和人洪武十八年進士授翰林修撰改監察御史建文即位初朝晏昌隆上疏

諫之建文君曰昌隆言中朕過禮部可頒示天下使人知朕過元年京師地震昌隆疏言奸人專政陰盛陽微謫見于天執政大怒斥為福寧知縣未幾中使誣昌隆詛咒下獄事白得釋燕王兵南下昌隆上書言今日事勢日去而北來章奏言周公輔成王不若罷兵息戰許其入朝彼既欲申大義于天下不應使相違戾設或有蹉便須讓位不失守藩若沈吟不斷禍至無日

軍五百殊死戰援絕力屈死
之贈潞州團練使官其二子

尹躬

字商老宰臨江新喻禮者老正風俗廉介自守
不畏強禦遷江西憲屬決獄至吉水有追逋賦

者千餘人男女貫于一索聞躬來容置他處躬
廉知盡釋之所著有易解冬官解文集若干卷

官至
正郎

明
尹堅

字潮春永新人身長七尺力能舉鼎聲聞數家
開平王伐江西說熊天瑞以全城歸授直殿將

軍累從征伐有
功改武略將軍

尹暹

洪武初興縣知縣蒞政廉能民懷其惠
乃立善政碑以頌之考績陞平陽同知

尹克昌

洪武初武進主簿凡有差役輒集耆老詢問
務在公平獄訟必詳究情偽公以斷之重建

離鐘舉文公救荒四政行之
民賴全活年五十一而卒

尹崇高

太和人永樂己未進士任御史

尹弼

上元人永樂甲辰進士歷布政

尹循

字有規安福人永樂乙未進士任御史

尹鳳岐

字邦祥吉水人永樂戊戌進士歷侍講

尹昌

字輯禎吉水人宣德進士授行人司正統己巳之變扈從北征預知勢不可為賦詩有曰授命臨

危非愛死全軀避難是偷生尋自刎而死

尹均祥

夾江人以賢良方正舉授湖廣崇寧簿撫字有聲陞山東布政使

進退失據雖欲求為丹徒布衣不可得矣不報
燕王立昌隆在奸黨驅出就戮昌隆當陞大呼
曰臣當時曾上章勸讓位陛下奏牘尚在可覆
也命緩昌隆刑檢奏有之上曰火燒頭早從此
言南北生靈受禍不若是酷朕亦無此勞苦遂
貸昌隆死未幾以為北平按察知事行部主事
預儲議進左中允漢庶人惡昌隆改為禮部主
事尚書呂震喜屬官諂忌昌隆誣昌隆與谷庶

人通謀論
死沒其家

尹鐘

字子聲平鄉人永樂丁酉領浙江鄉薦以德清
教諭選授監察御史剛介自持豪縱斂跡分按

貴州江西治賦吏鋤豪強尤為切至兩淮鹽法
弊甚宣廟詔擇有風厲者往督其事鐘被命至
定鹽法輕重之宜嚴商賈私貨之罪至今歸重
之陞江西按察使尋調陝西值關中亢旱民流

尹嗣忠

字子貞深州人正德丁丑進士歷侍郎

尹京

字兆之山陽人正德辛未進士歷副使

尹尚賓

字元夫茶陵人嘉靖丙戌進士歷參政

尹相

字商衡嘉魚人嘉靖壬辰進士歷給事中

尹倫

字汝漢齊河人嘉靖戊戌進士歷副使

尹臺

字崇基永新人嘉靖乙未進士由庶吉士歷官南京吏部尚書

尹祖懋

字德卿永新人嘉靖辛丑進士歷副使

尹庭

字子紹肥城人嘉靖庚戌進士任御史

尹旻

字同仁歷城人正統戊辰進士改庶吉士授吏科給事中任至太子太傅吏部尚書有知人之

鑒致仕卒贈太保謚恭簡子龍成化己丑進士翰林侍講

尹禮

字內則永新人正統壬戌進士歷副使

尹直

字正言太和人景泰甲戌進士歷官吏部尚書華蓋殿大學士謚文和

尹萬化

字如川太和人成化甲辰進士歷郎中

尹珍

字廷用安福人成化乙未進士歷知府

尹洪

字德容上虞人弘治庚戌進士任御史

尹灝

字淳甫安福人弘治庚戌進士歷參政

軫 軫國在楚之東楚屈瑕將盟貳軫注二國也子孫以

敏 見姓苑

澗 見姓苑

引 見姓苑

戩 見姓苑

準 見姓苑

隼 音允見直音

十二吻

黽

漢
黽初宮
印

盡
子忍切

宋
盡言
眉山秦檜死推湯鵬舉為侍御史盡言以啟
賀曰以三尺之童連冠兩浙之士老牛舐犢溺

受誰先野鳥為
鸞欺君孰甚

閩

明
閩立道
永樂間任
上高縣丞

允
允姓之戎居瓜州者其後以為氏或云允格之後

錦見姓苑

漢錦被郎中

明錦彩青神人萬歷間
忠義右衛經歷

近見姓苑

謹見姓苑

萬姓統譜卷八十

惲 音鹽上聲委粉切

明惲巍

字功甫武進人弘治壬戌進士歷副使

惲釜

字器之武進人正德辛巳進士歷郎中

惲紹芳

字光世武進人嘉靖丁未進士歷參議

隱 魯隱公之後

漢隱番

北海人廷尉左監

隱翁

河間太守

宋隱袞

河間中尉

漢阮肇

永平中二人入山採藥失故道行數里至溪澗
二女迎歸食以胡麻飯後求去指示原路至家

子孫已七世矣天台縣西北有廟焉

阮敦

巴吾

阮況

功曹後為南陽太守

阮瑀

陳留尉氏人少受學于蔡邕曹操辟為司空軍謀祭酒管記室凡書檄多出于瑀

晉阮籍

字嗣宗瑀子容貌瓌傑志氣宏放初仕魏累官散騎常侍籍本有濟世志屬天下多故名士少

有全者遂酣飲為常司馬昭輔政引為大將軍從事中郎將嘗賦詠懷詩八十餘篇及達莊論

大人先生傳子渾有父風

欽定四庫全書

萬姓統譜卷八十一

明 凌迪知 撰

上聲

十三阮

阮

陳留角音殷有阮國在汾渭之間子孫以國為氏

秦

阮翁仲

身長一丈三尺氣質端勇異於常人少為縣吏為督郵所笞歎曰人當如是邪遂入學究

書史始皇併天下使翁仲將兵守臨洮聲振匈奴秦以為瑞翁仲死遂鑄銅為其像置咸陽宮

司馬門外匈奴至有

見之者猶以為生

不任累徵聘皆不就放子晞之累官南頓太守裕子寧鄴陽太守自後子孫貴顯不絕

阮孚

字遙集咸之次子初為安東將軍以平王敦功賜爵南安縣侯時太后臨朝政歸舅氏孚謂所

親曰將作亂矣遂苦求出除鎮南將軍

阮裕

字思曠放之弟以德業知名拜臨海東陽二太守還剡山有肥遯之志或問其辭徵聘而宰二

郡何邪曰雖屢辭王命非敢以為高也吾少無官情

阮修

字宣子咸之從子好老易性簡約意度豁然常步行以百錢掛杖頭至酒肆便獨暢飲當世富

貴不肯顧家無擔石之儲晏如也自得于林臯之間後為太子洗馬

阮湛

者三禮圖九卷

阮咸

字仲容籍兄子任達不拘與籍齊名任為散騎侍郎妙解音律善彈琵琶出補始平太守咸與

籍居道南諸阮居道北阮富南阮貧七夕日北阮曝衣錦綺煊日咸以竹竿掛擗鼻視於庭

曰未能免俗聊欲爾耳顏延年五君詠云仲容青雲器又云屢薦不入朝一麾廼出守

阮种

字德猷陳留尉氏人弱冠有殊操舉賢良對策第一遷中書郎正己率人朝廷咸憚其威再遷

平原相
有治聲

阮瞻

字千里咸之長子見王戎戎問曰聖人貴名教老莊明自然其旨同異瞻曰將無同戎咨歎良

久即命辟之時人謂之三
語掾永嘉中為太子舍人

阮放

咸族子與咸子孚齊名中興間為吏部郎銓莞有稱績授交州刺史弟裕少以德業知名隱居

言善政者
咸稱之

阮孝緒

字士宗尉氏人父彥之宋太尉從侍中郎以清幹稱孝緒出後從伯增殁遺財百餘萬孝

緒悉推與其妹母病醫言須人復舊傳鍾山所出孝緒躬歷幽險累日不逢忽見一鹿前行因尾之獲焉人以
為孝感所至

唐阮詵

字孝郡奉化人懋德粹和處煩劇無遠色通開元禮殺梁春秋不徒習其辭動有程法海右士

舉襲其淳風父穀為太子右贊善大夫舉進士不第即以父任為太廟齋郎歷臨黃東海尉東海有父子異居者子不為養詵使人問之對曰無以奉也遺之米肉且以其羸資之其子卒悔悟克孝尋調婺州法曹參軍累遷大理評事員外司勳尚書郎掛冠歸里與里中謝徵士栗臺

阮謙之

徐聞人仕郡為功曹累遷奮威將軍從兄彌之為交州刺史受詔征林邑王楊邁謙之為

副大敗楊邁謝罪入貢謙之振旅而還子孫遂居遂溪

南
北
阮卓

尉氏人父辛卓年十五水漿不入口者累日奔赴官所載柩還鄉中流遇疾風幾覆者數四卓

仰天悲號俄而風息

阮韜

字長明陳留人裕立孫為南兗州別駕刺史江夏王義恭逆求資費錢韜曰此朝廷物執不與

韜少歷清官宋孝武選侍中四人並以風貌王或謝莊為一雙韜與何偃為一雙常充兼假官

至散騎常侍金紫光祿大夫領始興王師卒

阮長之

字景茂除臨海太守在官常擁敗絮一生不侮閭室所莅官皆有惠政為後人所思宋世

阮美成

舒城人元豐中進士知巢縣為政豈弟喜吟詠時號阮絕句

阮薦

字仲元新昌人少多慧後入太學中舍日者謂曰公宜隱去即翻然南歸隱居林壑以詩自娛

無復任意乾道中辟本州學正不就

阮昌齡

建陽人俊敏能賦楊億稱為奇材任劍外有異政為張詠所知得代徒行北歸詠貽以所

乘仍薦於朝終殿中丞

阮駿

字千里祖遵慶歷進士官通直郎節度推官父之才元豐特科知南雄府駿紹聖初進士授奉

議郎監台州稅方臘犯台州守委以防禦事駿率兵射賊路死五百餘人賊亟引退璽書褒獎轉朝散郎建炎初除河南少尹兼西京留守是冬金人南寇駿與孫昭遠率兵拒戰不利駿以

二三名士徜徉以終
子綜繹皆舉鄉貢

阮結

錢塘人中和間以征劉漢宏功授散騎常侍後又征常潤二州累遷戶部尚書

宋阮思道

字思恭建陽人中南唐進士後歸宋為史館檢討歷守韶衢永三州咸有政聲子昌齡

阮逸

字天隱建陽人仕為鎮東軍節度推官景祐初上樂事論十二篇與胡瑗俱名赴闕命同校鐘律分造鐘磬各一虞皇祐中更鑄太常鐘磬瑗逸與近臣太常官議于秘閣遂典作樂事

阮登炳

字顯之吳人淳祐進士以論公田伉言迂衆歷秘書丞

阮鍾儁

銅陵人十一世同居朝廷嘉之鍾儁天性純厚為時所稱任終秘書郎

阮中度

字正甫建陽人思道從子博學尤邃于易端拱中進士第居官仁恕勿累其民徵拜御史

阮恕

字伯寬寅之子以父廕宰分寧淳祐更善化陞通判建寧府初赴善化時宿山間有商十餘人

先在馬吏與爭繫恕為杖其吏且慰之吏退詔曰有官如此何以仕為恕亦不介意及暝商來謝曰某等羸疎感公弘量第夜半先起倘有小喧官自安寢恕唯唯比夜半喧甚恕戒僕堅扃俄而寂然起燭之殺人縱橫乃強寇也是夕脫命毫釐人為寬厚之報

阮思聰

字仲謀固始縣人弱冠膂力絕人善騎射喜讀左氏春秋及兵家書積戰功累官吉州團

練使知黃州事來居建康歷官所至有聲曾遣人詣賈似道欲以重兵守鹿門山又言當由海道以搗青齊則襄園自解皆不見聽師潰聰歸建康權馬司徐王榮都統翁福等昇制置司已下印鑰來告曰大兵且至趙制置已去城中惟第使官高望救一城之命聰曰我宋臣子也受

神御在府亟收兵護神御殿以餘兵再戰又敗
乃抱神御指賊大罵死之二年正月十四日也

事聞朝廷褒贈三
官進朝議大夫

阮閱

字閱休建炎元年知袁州初至訟牒繁閱乃大
書依本分三字印榜四城牆壁郡民化之不踰
旬訟訴稀息乃榜西聽為無訟堂為袁民雪插
筆之謗後致仕寓居宜春吟諷自適撰詩總行

于世

阮寅

字公亮新昌人嘉泰進士初調龍陽尉以憲使
宋慈薦改知房州轉請大夫鼎澧辰沅靖沿邊
都大巡檢使馬步軍都總管節制湖北軍馬賜
紫金魚袋知澧州所至能保障焉子愿以寅廕

官至節
度推官

阮士進

字志學建德人永樂中舉人授羽林前衛經歷陞貴池知縣律已甚嚴而御下以寬均徭

省賦興學勸農甚得民舉以母老歸養卒于家

阮勤

字以成交趾人長子籍宣德進士刑部左侍郎陞尚書

阮嗣

連江人宣德中由國子生任連州判官興利除害卓有聲稱陞河南左參議

阮居仁

交趾人由監生正統二年出任下車之際以學校圯壞為急務遂首興之方春必親詣田里

以勸農事任滿民懷其德遂立去思碑焉

阮玘

字廷用太和人天順甲申進士授行人命御史清直任事所至肅然平生篤行動以古人自期

阮珩

字國用順德人少遊邑庠死告歸善事其親暇日用心理學不求仕進親喪不飲酒食肉形

宋思厚不敢以城獻王
榮等知不可強乃止

阮與子

香山人性純篤頗讀書通大義事父母盡
色養唯謹德祐元年父元輔病劇與子旦夕

稽顙北辰願以身代而病不愈迺與子旦夕
脇割肝取一瓣以療病即為瘥鄉里異之以其

事達于所司贈帛二仍
表其居里為孝行坊

元 阮申之

字周翰池陽人先為黃巖瑞安二州同知有
能聲泰定初為鄞令持身廉簡為政有法在

邑十餘年
百廢具舉

明 阮弘道

家素寒及壯知學通吏事歲甲午值太祖駐
兵滁城弘道獲給事左右後護蹕渡江授中

書省員外郎尋陞宣徽院使洪武初歷福
建江西二行省參政俱有聲以疾終于任

阮文中

字用和南昌人嘉靖癸丑進士以南京兵部郎中擢湖廣按察副使兵備辰沅居官雅持

大體廉潔無私與民興利歷僉都御史撫治貴陽有征苗功晉副都御史撫湖廣卒于官

阮鶚

字應薦桐城人嘉靖甲辰進士歷都察院右僉都御史姪自嵩丙辰進士

阮壘

字洪載江寧人嘉靖辛丑進士歷兵部郎中

阮子孝

浙江於潛人萬曆甲戌進士

圈

琅邪晉族芊姓楚鬻熊之後又云求晚切

周圈

稱秦人議郎撰陳留風俗傳其後避難改姓卷

圈宣明

羸骨立弘治甲子提學潘府巡視至邑珩出見
即告歸潘心異之強令就試見其文優令復學
補廩應試皆辭在學一二老成者始述其孝行
潘益異之為四難文以障之又贈之以有百尺
樓高孝子過之句檄縣獎勸欲奏聞旌表珩
為人純篤朴實寡交游故後輩鮮克知之

阮孟昇

建德人成化中由太學生授奉節知縣丁憂
起服改雲陽縣所至皆有善政民至今思之

致仕卒
于家

阮廷瓚

字邦器桐城人早失怙恃既長痛親不存事
兄猶父委曲承順家政一以為主兄少友于

恩數窘辱之瓚怡然不以介意嘗以千金之產
讓之略無難色後兄疾親侍湯藥至廢食寢既
卒哀祭盡禮不以久懈
鄉人咸以悌弟稱之

苑文

令 中年

唐苑咸

開元進士

五代苑玫

指揮使

宋苑鈞

潁川人

元苑華

獻陵人仁宗時為沂水縣尹公廉勤慎興學勸農期年百廢具舉去後民立石

苑汝丹

清苑人延祐進士

苑時可

字子正太常少卿

明苑恕

安陽人洪武進士

圈義明

俱陳留人

苑

亦作宛音怨非范陽殷武丁子文封苑其後因氏又望出永寧馬邑

周

苑何忌

齊大夫

漢苑康

字仲真泰山太守郡多豪猾康嚴其禁令人莫敢犯以事忤常侍侯覽誣以罪坐徙日南泰山

人詣闕訟其

屈得還本郡

苑威

中書舍人

苑論

字言揚元和中與柳子厚聯弟柳拜而兄之送以序云掉鞅乎術藝之場遊刃乎詞翰之林風

雨交于筆札烟霞發

于簡牘甚可壯也

漢宛暹

下邳相

宛方

吳興太守

明宛賢

舒城人洪熙中廣昌縣丞

宛嘉祥

字文徵望江人嘉靖癸卯舉人歷官知府

澆

明

澆平

寶雞人永樂舉人任成都府教授

忖

見姓苑

周忖已

秦人管仲誅之

苑恪

晉州人永樂癸卯舉人

苑吉

咸縣人天順舉人

苑秀

肅寧人弘治進士

苑藪

林縣人正德中任沙河尹

苑圃

字公甫寶坻人嘉靖癸丑進士歷郎中子時葵丙子舉人

宛

國名與苑同南陽

周宛射犬

鄭大夫

宛春

楚大夫

欽定四庫全書

卷八十一

晁靜

寧州刺史

宋 晁味道

錄事參軍

晁谷珍

興山人仁宗時狀元及第

明 晁子弘

長陽人永樂貢士

晁儀

宜都人弘治貢士任吉安府照磨

緩

和稽氏改為緩氏

本朝湖廣鄖陽府保康縣有緩氏

偃

臯陶生于曲阜是為偃姓

寒 其偃切

漢 寒祗 海昌人南
海郡丞

唐 寒道會 侍臣從僖宗西幸僖宗謂曰
寒不利東北因更氏曰寒

宋 寒綬 登進士
第蜀人

明 寒衡 眉州人性至孝母沒水漿不入口者三日葬祭
以遵家禮後擢都水主事丁繼母憂并父憂哀
毀廬墓朝夕哭踊鳥輒飛
集哭已乃散事聞旌表

曩 音緩今江陵多此姓

晉 曩清 中郎
將

帥以聽誰敢犯
子子善相之

罕夷

罕嬰齊

子皮
之子

罕朔

罕達

嬰齊
之子

罕臆

明

罕言

廣州右衛人
弘治舉人

本

見姓苑

周
偃州員

吳人

偃羣舒

楚人

偃師

周穆王巡狩謁王曰臣有所造願王觀之王曰若偃者何人對曰臣所造倡者以為實人與妃御觀之倡者瞬目招王侍妾王欲誅之偃立剖倡以示皆傳會舞木膠漆丹青為之

漢
偃參

河陽人

偃恭

見漢書

罕
姬姓鄭穆公子喜字子罕子孫以罕為氏

周罕虎

一名子皮子皮子皮子嬰齊嬰齊子達達子魁魁子朔世為鄭卿子皮授子產政子產辭子皮曰虎

烜 見姓苑

明 烜冲霄 沔縣人萬曆間四

川長壽縣主簿

區 後漢有區皇后

混 見姓苑

鷗 見姓苑

飯 見姓苑

晚 見姓苑

十四早

明
本高成化舉人

反見姓苑

漢
反淡印載

本朝河南懷慶府有反氏

遠

五代
遠建豐洺州刺史

明
遠志遂平人永樂中以刑部員外調同知永昌府事明習政典決事如流勢豪斂避

遠壽山東高密人弘治中南樂教諭

管少卿

燕令

管高

管已

印藪

管彥

西羌校尉

管篤之

校尉征連東

三管輅

字公明平原人明周易精于天文風角占相之術每言輒應嘗曰吾恐四十七八間不見男婚

女嫁也果年四十八而卒

管統

初仕袁紹為東萊太守後譚更以為樂安太守譚之破諸城皆服惟統守樂安不從曹操命王

管徵音平昌周文王第三子鮮封于管為管叔以國為氏

周管仲

春秋時潁上人少與鮑叔牙為友鮑叔知其賢薦于齊桓公既相齊遂富國彊兵攘夷狄尊周室九合諸侯一匡天下孔子曰微管仲吾其被髮左衽矣許其有仁者之功所著有管仲書八

十六篇

管至父

齊侯使與連稱戍葵丘瓜時而往曰及瓜而代

管修

楚賢大夫仲之後

漢管寧

字幼安朱虛人美鬚眉與邴原相友漢末同避亂至遼東依公孫度度安其賢民化其德後浮海還郡魏初累徵不起吟咏詩書不改其樂明帝特具安車束帛加璧聘之會寧卒年八十四

管師仁

字元善龍泉人崇寧中進士知建昌軍有善政累官樞密直學士知定州時邊備久不整

遼橫使再至師仁預為計度設備一日而舉衆十萬轉盼而成日與賓客燕集以示閑暇召為

吏部尚書同知樞密院事

管及

全州人崇寧甲申山谷黃公謫居宜州凡平日親知絕迹時及為宜州理曹不避權勢與山谷

交遊甚密山谷書折桂亭三大字貽之且謂之曰君家積慶後必有登進士科者其後子孫請

鄉舉就恩科者相繼至矣發登周炎榜進士後發登陳文龍榜進士以為山谷折桂之識至是

始驗

管銳

淳熙中知南安軍勤政以孝悌教民其于學校尤加意焉

修取統首修以統亡國忠臣因解其服使詣操操悅其忠鯁赦而釋之

南
北
管崇開府儀同三司

晉
管襲軍司齊王同與王處穆謀誅趙王倫既而使襲誅處穆送倫尋又誅襲

唐
管辰撰管輅傳三卷

宋
管師復龍泉人與弟師常俱有盛名從胡瑗遊師復善詩自號臥雲先生仁宗召至問曰卿所得

何如對曰滿塢白雲耕不盡一潭明月釣無痕臣所得也見不受爵命

管鑑字明仲祖師仁仕至樞密鑑力學士脩父澤補官再調江西常平提幹始家臨川累官至廣東

提刑權知廣州
兼經略安撫使

管思易

字原理，鄞人。永樂乙未進士，授刑部主事。持法平恕，奉命使湖廣，辯疑獄，釋繫囚，全活甚

衆。居內艱，起復，仍前職。時有獄，王琦罪不應死，尚書吳中以私憾論死。思易爭之，中不聽。竟殺之，乃歎咤憤惋，感疾而卒。思易平生勵志清約，不苟得，赴會試，時道臨清，見遺陌錢，守以待失者，還之。見者歛異性，至孝，友，母喪，致毀，足不踰戶限。所入俸，悉以公伯氏與猶子，與人，不為依憚之。阿人皆

管頤

字汝珍，崑山人。成化進士，廣東叅政。

管鯨

字文化，咸寧人。雅好讀書，志在養親，不求仕進。周貧急難，有古義士風。教子以忠孝大節，不及

富貴，以大書名於時。王公縉卿咸禮重之，以子貴，贈太常卿。

管太初

景祐進士

管預

登進士第

元管如德

黃陂人仕為江州都統制能一手挽二弓世祖南侵如德先登陷陣以功遷浙西宣慰使

上時政五條累遷江西行省左丞招降廣東盜鍾明亮卒封平昌郡公諡武襄子淳祖積官至

富州尹

明管時敏

洪武中楚府長史在任四十餘年忠誠謹恪始終如一年七十致仕王奏留居本府祿養

終身仍賜地黃屯山所著有蚓竅集秋香百咏詩

管貞

字源清洪武辛亥進士授山東陽穀縣丞冠至貞危坐堂上罵不絕口遂遇害

漢 滿昌

受齊詩
于匡衡

三 滿寵

字伯寧昌邑人仕魏屢立戰功官至太尉寵不
治產業家無餘財詔賜田四十頃穀五百斛錢

二十萬以
表清節

滿偉

寵子字公衡以格
度知名官至衛尉

滿長

偉子有
寵風

晉 滿奮

尚書
令

宋 滿闐

自號逍遙子詩人詩學唐其苦吟詩云髮任莖
莖白詩須字字精又貧居詩云長喜詩無病不

愁家更貧坐虛多遜黨得罪避舒州灑山寺中
為行者題詩鐘樓云頑童趁暖貪春睡忘却登

管律

字應韶慶府人正德辛巳進士歷給事中

管楫

字汝濟咸寧人正德辛未進士歷都御史

管見

字道夫餘姚人嘉靖丙戌進士歷參政

管嘉禎

字正甫山東高密人嘉靖癸丑進士

管大勳

鄞縣人嘉靖乙丑進士

管稷

餘姚縣人隆慶辛未進士

管志道

太倉人隆慶戊辰進士

滿

山陽宮音陳胡公滿之後又荆蠻有瞞氏音并變為滿氏又望出汝南河東

滿成

北流人永樂舉人州學正

滿志

雞澤人正統中利港巡檢

滿穆

寶慶人宣德中建陽縣丞

散

上聲今江東有此姓

周

散宜生

文王四友

明

散惟聰

襄陽人監生成化中任江陰縣丞

坎

英賢傳云宋附庸有坎氏

明

坎輝

南和人正統中任福寧州倉官

樓打曉鐘孫僅見之曰此道遙
子也令寺僧呼之閻已去

滿中止

滿中行

開封人

滿壽

永春人
知循州

滿執中

滿周

揚州人

明

滿偁周

字瑞至章丘人器宇端重通經史練達事要
元末政舛民多橫罹冤酷偁周悉為平之國

初以才行超卓擢任浙江布政司左
布政使政績著聞居七年解職歸

瑄出纂要

十五潛

簡宮音范陽晉續簡伯之後又望出涿郡

周簡叔

魯大夫

漢簡卿

漢人受尚書于倪寬後又受于夏侯勝

簡源

印數

三簡雍

字憲和范陽人性跌宕儀優游少與昭烈善昭烈至荊州雍為從事中郎力勸取成都遂為

說劉璋歸命後拜昭德將軍

亶 當早切徵音

漢 亶 誦 中謁者延光二年與
張衡周興等論厯

坦 儻早切徵音

宋 坦 中庸 紹興中進士累
官至提點刑獄

般 見姓苑

罕 許旱切氏羌種左傳有罕氏

衍 見姓苑

見 音縮出千家姓見直音

簡顯

新喻人成化進士

簡祖英

字世英東莞人學問該博有才略廖永忠克廣東徵祖英赴京拜建平知縣以母老辭歸

簡書

新喻人弘治進士歷官刑部尚書

簡芳

字德馨上高人幼穎敏弘治丙辰進士任南京刑部主事歷員外陞兵部武選司郎中芳性耿

介執法明允雖權勢無所假借卒于官

簡霄

字騰芳新喻人正德進士歷南京兵部右侍郎

簡佐

字廷臣新喻人正德辛未進士歷大理寺丞

簡輔

字汝欽廣西馬平縣人由進士任永新縣知縣正德八年謫判秦州性閎疎果毅遇事當為者

五代簡文會 南海人幼穎攻書善於詩律為人耿直無私南漢擢進士第一累官尚書右丞

宋簡克己 南海人師事張南軒講性理之學以真知實踐為事功不求仕達性喜啟迪後進士無少

長咸稱簡
先生云

簡世傑 字伯俊靖安人隆興進士知鄂州政本豈弟不設科條民不忍犯知賀州秦罷鹽法人蒙

利其

簡正理 字西碧新喻人以荐為御史歷知永興桃源新野三縣在官廉介以儒術飭吏治時譽翕

然弟秋碧亦
任河源縣尹

明簡加誥 四川人天順進士

盡下不堪命也親顯用則安危同憂深
根固本永保無極後為燕中尉辭疾不就

產國語注云彭城有產氏

明

產麟

瑞昌人永樂丁酉
舉人任兵部主事

產權

懷寧人正德
中任訓導

產偉

懷寧人嘉
靖貢士

眼

見姓苑

板

漢桓帝時已郡人板楫寇掠三蜀太守曹謙宣詔諭
之皆降服

十六銑

奮前不恤時論與
決疑獄人多服之

簡

漢簡忌郎中

明簡昱

香山人洪武中
人材任知縣

棧見姓苑音濕

南棧潛任城人魏歷縣令嘗督守鄴城時文帝為太子
北棧潛既樂田獵晨出夜還潛諫曰都城禁衛用戒不

虞若以一日從禽之娛而忘無窮之繫愚竊惑
之太子不悅然自後遊出差減明帝時衆役並
興戚屬疏斥潛上疏曰陛下纂承洪緒宜崇晏
安與民休息乃日費千金大興殿舍恐民力彫

蹇碩

上軍校尉

三國蹇遵

著左傳斷義七卷

唐蹇昌仁

註陰符經一卷

宋蹇彛

通泉人通判金州端平中元兵來攻彛堅守與戰不能敵被擒不屈而死其子永叔復力戰城

破舉家死焉

蹇序辰

字授之雙流人守蘇州

蹇逢辰

成都人登科

蹇士堯

彭州人

蹇 山陽蹇叔之後

周蹇叔

秦上大夫穆公欲襲鄭蹇叔以為不可不聽果為晉軍擊敗于殽子西乞術亦為秦將與孟明視伐晉大敗晉人以報殽之役

蹇珉

夫 秦大

蹇重

魏文侯觴大夫于曲陽飲酣文侯喟然歎曰吾獨無豫讓以為臣蹇重舉酒進曰臣請浮君文侯曰何以對曰臣聞之有命之父母不知孝子有道之君不知忠臣夫豫讓之君亦何如哉文侯曰善受浮而飲之酬而不讓曰無管仲鮑叔以為臣故有豫讓之功也

漢 蹇蘭

交州 刺史

詹事府詹事洪熙改元陞少保兼吏部尚書宣德中累進少師賜第一區卒贈太師謚忠定官

其長子為尚寶司丞義深沈簡靜貴而能謙有獻納匡翼之功

蹇賢

已縣人永樂中由鄉舉擢監察御史持憲公平累官湖廣右布政使有冰蘖聲

蹇霆

字克遠義孫成化進士歷御史陞故事剛方清儉處事從容民甚德之

蹇應祺

字伯圭涇陽人嘉靖庚戌進士

蹇來譽

字子修巴縣人嘉靖庚戌進士歷僉事子理嘉靖壬戌進士

典

陳留見姓苑

漢**典章**

陳留人形貌魁梧膂力過人從曹操討呂布于濮陽操募陷陣者章手持戟十餘大呼起所抵

蹇同輔 善著文神宗命
答高麗書稱旨

蹇譽 歷陽
令

蹇利涉 咸淳中任
華亭尹

蹇綬 懷安
軍人

蹇克諧

蹇騏

蹇誼 紹興進士
俱仁壽人

明 蹇義 字直之已縣人洪武乙丑進士授中書舍人尋
擢吏部右侍郎永樂初轉左侍郎進陞尚書兼

周單字

晉侯使卻至獻楚捷于周單子語諸大夫曰溫季其亡乎位于七人之下而求掩其上怨之聚亂之本也多怨而階亂何以在位夏書曰怨豈在明不見是圖將慎其細也今而明之其可乎

漢單左車

功臣中年侯

單父

字仲孺種莪牡丹能變易千種人呼為花師

三國單曜

字弘嗣吳人少好學善屬文孫亮時為太史令遷中書僕射

單道開

煨煌人常衣粗褐吞細石子晝夜不臥石龍時從西來一日行七百餘里至秦州送至鄭

後入羅浮山獨處茅茨蕭然物外百餘歲卒

晉單颺

字武宣以孤持清苦自立善明天官算術遷太史令

無不應手倒者布衆退拜韋都尉其後張繡反襲操營韋戰歿

典農

潁川人

明

典英

宛平人洪武中任陵川縣知縣

雋

才充切渤海羽音

漢雋不疑

字曼倩渤海人治春秋為郡文學進退必以禮武帝末以暴勝之表薦徵拜青州刺史昭

帝時擢京兆尹京師吏民敬其威信每行縣錄囚徒還其母聞有所平反則喜否則怒故不疑為吏嚴而不殘霍光欲妻以女固辭後以病免

單

南安徵音周成王封少子臻于單邑為甸內侯因氏焉音善

宋 單士寧

慶曆中與王洙同編修史館

單錫

字君賜宜興人明陰陽圖緯星歷之學與蘇軾同年進士軾愛其賢以女兄子妻之來宜興每

遇其家從子子發舉八行科有風土記傳世孫時亦舉進士擢監察御史上封事言飲酒擊毬

二事孝宗喜謂輔臣曰擊毬朕放下多時飲酒朕當自戒

單煦

平原人舉進士歷知昌濮合州皆有政績累遷至光祿卿煦性友愛兄熙嘗毆人至死煦曰家

貧親老仰足以養義當代死即趨鬪所待捕已而死者甦驚問之煦以情告其人感歎遂輒訟

單時

字行可乾道中為殿中侍御史上疏諫擊毬孝宗喜謂輔臣曰擊毬朕放下多時酒當自戒除

右諫議大夫

隋
單雄信

王世充將善用
馬槊號飛將

唐
單以清

嘉定人元陽觀道士大歷中嘗之嘉興入船
剛異香疑有非常人適目同載者惟船頭一

人儀趣頗殊單君遷坐與並席香氣彌甚因從
容問之答曰吾此地人少病大風逃深山遇一

老人哀之令從行有草堂數間老人曰汝且居
此一月後自來視汝以藥丸一裹令餌之老人

遂行更入深山吾入堂餌藥不飢渴身日以輕
兩月老人來笑曰有心哉故在此疾已瘥矣至

水濱照之鬚眉皆生顏色益少老人曰汝既服
吾藥可長生人間且勤修道術以二十年為期

遂導令却歸吾拜問其姓名老人曰子聞國初
衛公李靖乎是我也乃辭出山今限將及再入

山尋師耳單君因
記其事為人道之

經入見太祖高皇帝數陳治道愷切時宜上才之日留侍左右以備顧問方將錄用尋以心疾放還田里十三年復召授國子助教雲南大理府教授卒于官

單植

六安人性至孝父傳會試卒于京植哭踴奔赴既葬廬墓三年晝夜號泣隣婦至為廢食貧甚飢粥不繼隣人輒食以餽之拒不受有司欲上聞力辭曰此分內事也何異可聞博學能文中

弘治乙卯鄉試

單來彝

武緣人正統舉人長樂縣教諭

單昂

江西人景泰進士

單鉞

武功人嘉靖進士

元單仲昇

增城人父喪與兄同居養母至孝至大戊申母鄭氏卒葬于藍山之原蔬食水飲不事家

業廬于墓所三年服滿始還鄉稱其孝

明

單安仁

一名居仁鳳陽定遠人元季兵亂安仁招集義旅捍禦鄉曲號曰青軍自稱元帥後以乏

食移軍維揚太祖渡江克金陵遣人招之安仁率衆來附上嘉其誠授之官以其軍守常州安仁事上忠謹克效勤瘁屢從征討有功其子在常叛降張士誠後克蘇州生擒之即以付安仁俾其自處蓋以鄉舊待安仁也累官至兵部尚書

單仲友

名佑以字行鄞人刻意問學自經史百氏以至周程張朱之書靡不深究為文下筆數百

言未嘗屬草士論推服然稟性落魄不矜細行家貧不治產業業洪武六年偕慈谿桂彥良舉明

漢 展子竒 工畫為畫家三史

展光信 印 藝

隋 展子皮

展敬 餘姚 今

宋 展伯興 郟武人上官佑志列於文學傳

明 展鑑 永清人洪武初歐寧縣知縣

展成 蒼梧人洪武中瑞昌知縣

展毓 岐山人永樂進士任御史

單濱

固原人萬厯間直隸高苑縣知縣

展

河東魯孝公子展之後無駁卒公命以字為展氏

周展禽

名履魯人居柳下任魯為士師三黜而不去人問之曰直道而事人焉往而不三黜枉道而事

人何必去父母之邦卒諡曰惠孟子稱其不羞汙君不辭小官進不隱賢必以其道弟展喜嘗

攜齊師諭以先王之命齊侯愧服

展喜

魯人齊侵魯北鄙公使喜攜師還

展如

吳大夫將右軍

展上公

修道于句容縣玉晨觀得仙

善友

鷹坊使莊宗中流矢友扶之而下

宋善侶

元祐進士

善辰

儀隴人嘉慶進士

元善慶

至元中任嘉興縣丞

明

善養

大治人洪武中肇慶府同知

扁

音辨渤海鄆人扁鵲之後又望出南陽

周扁鵲

史記云姓秦名越人醫書云虛國人

扁慶子

見莊子

展克勤

正統中邳州衛千戶

展敏

驍騎衛人天順進士

展蘊

揭陽人正德中任崇安縣知縣

善

望出河內堯時高士善卷之後

上善卷

武陵人居于枉山莊于云舜以天下讓于善卷善卷曰余立于宇宙之中冬日夜皮毛夏日夜

葛絺春耕種形足以勞動秋收斂身足以體息日出而作日入而息逍遙于天地之間而心意自得吾何以天下為哉遂不受而去

宋政和間賜號曰遁世高蹈先生

唐

善興

博士

明 鄆福 六安人正統中
臨淮縣學訓導

卷 音捲出琅邪

漢 卷基 陳留太守本園氏
因避仇去口馬

免 姬姓

周 免餘 衛公
孫

漢 免乙 上郡
太守

勉 見風俗通

漢 勉昂 上郡
太守

克

宋克公序

登第

克堯叟

紹興中嘉興學正

剪

見姓苑

朝剪成

順天人常德衛千戶

淺

見姓苑

漢淺臯

見印藪

鄆

見姓苑

顯見姓苑

行子姓宋微仲行之後

篆見姓苑

萬姓統譜卷八十一

躩 音蹇 見直音

蹇 見姓苑

選 見姓苑

轉 見姓苑

緬 見姓苑

冕 見姓苑

鄯 見姓苑

輦 見姓苑

納周襄王命為卿以讓樂枝文公反國及伯多出其謀以衰為原大夫任以國政卒諡曰成

趙盾

字孟衰子諡宣子代父為卿嘗舉韓厥為中軍尉賈季曰趙衰冬日也趙盾夏日也晉靈公不君從臺上彈人膳夫師熊膳不熟殺之宣子驟諫公曰吾知所過矣盾拜曰人誰無過過而能改善莫大焉公患之使鉏麇賊之不果召盾飲酒伏甲將攻之車右提彌明知之扶而出門甲與公介靈輒倒戈禦公徒而免宣子亡未出境聞趙穿弑公桃園乃反太史書曰趙盾弑其君宣子曰穿也子曰子為正卿亡不越境歸不討賊非子而誰孔子曰董狐古之良史也書法不隱宣子晉良大夫也為法受惡

趙武

衰曾孫父朔為屠岸賈所殺朔妻成公姊遺腹生武賈索之急賴程嬰杵臼以免後立為卿相

欽定四庫全書

萬姓統譜卷八十二

明 凌迪知 撰

上聲

十七篠

趙

直紹切天水角音顓帝伯益之後十三代至造父事穆王以功封趙城子孫因氏秦併六國子孫分散至漢京兆尹廣漢世居涿郡宋僖祖生長於燕即其後也

周

趙夙

晉人獻公時為大夫

趙衰

字子餘夙之孫有深志遠謀重耳安于齊與舅犯謀適楚勸受楚客禮適秦相公子禮既歸勸

趙毋恤

襄子無恤簡子之子其母翟婢也簡子有太子伯魯而無恤賢疑所立乃書訓戒之辭於

二簡以授二子曰謹識之三年而問之伯魯不能舉其辭求其簡已失之矣問無恤誦其辭甚習求其簡出諸袖中而奏之于

趙勝

武靈王子秦圍邯鄲急用毛遂合楚之盟又請救魏公子無忌遂復存趙食客常數千人號平

原君

漢趙堯

為周昌史堯薦周昌高祖遂拜昌為趙王相高祖拜堯為御史大夫擊陳豨有功封為江邑侯

高祖崩事惠帝終世呂后怨堯前定趙王如意之畫乃抵堯罪

趙廣漢

吾人舉茂才為陽翟令有治行遷京兆尹發奸擿伏如神威制豪彊小民得職

平公薄諸侯之幣而重其禮
諸侯以是睦于晉卒謚曰文

趙同

宋人弑昭公趙宣子請師於靈公伐宋公許之
乃發令于太廟召軍令而戒樂正令三軍之鍾
鼓必備趙同諫曰國有大役不鎮撫民而備鍾
鼓何也宣子曰大罪伐之備鍾鼓聲其罪也乃

治兵振旅鳴鍾
鼓以至于宋

趙奢

趙人為田部吏秦伐韓請救于趙
趙以奢為將大破秦軍號馬服君

趙鞅

號簡子周舍立簡子之門三日夜簡子問之曰
夫子將何以令我周舍曰願為諤諤之臣操筆
隨君之後而司君過書之簡子與處無向而舍
死簡子後與諸大夫飲酒酣簡子泣謂曰百羊
之皮不如一狐之腋衆人之唯唯不如周
舍之諤諤自舍死後吾未嘗聞吾過也

趙夷吾

景帝時為楚王太傅王戊反諫不聽死事封其子周為高陵侯

趙瑯

閩中人為公車令王莽居攝棄官而歸

趙閱

閩中人嘗遊長安刺史王尊竒之後仕為涼州刺史有能聲

趙戒

南陽太守糾豪傑率吏民奏免中官子弟為令長貪濁者

趙貢

涿郡義吾人京兆尹兄子為瑯琊太守行縣見不其令薛宣甚悅其後行屬縣還至府令妻子相與見戒曰薛君廉至丞相我兩子亦為丞相史後宣果代張禹為丞相除貢兩子為史時稱

貢有知人與子之明見云

趙暉

字長君山陰人少嘗為縣吏奉檄迎督郵暉恥於廨役遂棄車馬去到捷為詣杜撫受韓詩究

趙禹

蔡人武帝時以刀筆吏積勞遷為御史至中大

夫與張湯論定律令禹為人廉靖為吏以來舍
無食客公卿相造請終不行報謝務在絕
請託孤立行意後為少府九卿以壽卒

趙充國

字翁孫上邽人良家子善騎射沉勇有方畧
武帝朝拜中郎將車騎將軍與霍光定冊立

宣帝又屯金城討平西羌封營平侯卒年

八十六諡曰壯侯成帝時圖形麒麟閣

趙夔

武帝時文安縣令多異政值縣大
旱乃自焚縣人感慕為之立祠

趙綰

武帝時為御史大夫時綰與王臧請立明堂以
朝諸侯不能就其事綰乃言師申公於是上使

使束帛加璧安車以蒲裹輪駕駟迎申公乘軺
傳從至見上上問治亂之事申公時已年八十

餘對曰為治者不在多言願力行
何如耳上默然拜為大中大夫

趙壹

字元叔，漢陽西縣人。體貌超羣，恃才倨傲。元和間，舉至京師，名動一時。士大夫想望其風采，未幾西還。十辟公府，皆不就。終於家。所著有賦、頌、箴、誄、書、論及雜文十六篇。

趙孝

沛國蘄人。時兵荒，人相食。弟禮為餓賊所得，孝聞之，即詣賊曰：「禮瘦不如孝肥，賊驚異，竝放還。」鄉顯宗聞其行，拜諫議大夫。

趙咨

字文楚，東郡南燕人。父暢為博士，咨少孤，有孝行。累官燉煌太守，又拜東海相。在官清簡，計日受俸，豪宗畏其儉約。

趙子

河內人。事燕韓嬰，受詩學。生徒甚盛。趙子以授蔡誼，誼授食子公與王吉。食生授栗豐吉，授長孫順。由是韓詩有王食長孫之學。

竟其術積二十年絕問不還家撫卒為發喪制服畢卒業乃歸州召補從事不就後舉有道卒於家著吳越春秋詩細歷神淵蔡邕至會稽讀詩細而歎息以為長於論衡邕還京師為學者誦而傳之

趙燾

字伯陽宛人少為兄報讎以信義著名光武破王尋燾有戰勞拜中郎將鄧奉反燾以書責之或譖通謀光武疑之及奉敗得書乃驚曰真長者也後拜平原太守擢舉義行誅鋤姦惡蝗不入境進拜太尉封都鄉侯卒諡正侯

趙岐

長陵人少明經有才藝嘗與兄襲得罪中常侍唐衛避禍北海唐死乃出徵拜議郎嘗著孟子章句及三輔決錄後居荊州卒先自為壽藏

趙温

字子柔，典姪。初為京兆丞，歎曰：大丈夫當雄飛，安能雌伏？遂棄官去。歲饑，散家財以賑窮餓，所

活萬餘人。獻帝時為司徒。

三趙雲

字子龍，真定人。漢昭烈為曹操所追，棄妻子，南走時雲為騎將保護，皆得免難。累遷翊軍將軍。

封永昌亭侯。

趙儼

字伯然，陽翟人。事曹操為朗陵長，恩威並著。魏建國累官至司空，與辛毘、陳羣、杜襲、齊名。時號

辛陳杜趙。

趙達

河南人。少從侍中單用受學，用思精密。謂東南有王者，氣可避難，故脫身渡江。事孫吳，治九宮

一算之術，能應機立成對問，若神。

趙昱

知名士也陶謙牧徐州以昱為別駕從事

趙昂

天水人會馬超攻冀城昂與楊阜尹奉戮力討超功聞朝廷遣昂益州刺史奉燉煌太守

趙典

字仲經成都人父戒為太尉桓帝立以定策功封尉亭侯典少篤行隱約博學經書父卒襲封

後為太常朝廷每有災異疑議輒諮問之典據經正對後就國

趙苞

字威豪東武城人靈帝時為遼西太守名振邊俗遣使迎母及妻子道值鮮卑劫質以擊郡苞

率眾禦之寇出母以示苞苞悲號母遙語曰母虧忠義苞遂力戰破之其母妻為賊所害詔封

苞劔侯苞喪母訖謂鄉人曰食祿而避難非忠也殺母以全義非孝也何面目立于天下遂嘔

血而死

趙誘

字元孫淮南人世以將顯王敦辟為叅軍與甘卓周訪共討華軼又擊杜弢於西湘滅之累功賜爵平阿縣侯代陶侃為武昌太守與杜曾戰沒贈征虜將軍謚曰敬子龔與誘同死贈新昌

太守

趙盾

龔弟王敦使周訪擊杜曾盾請從行訪憎曾之強欲先以盾餌曾使其衆疲而後擊之盾多泉首級王導引為從事中郎南頓王宗反盾殺宗於是王導庾亮并倚杖之轉冠軍將軍遷西豫

州刺史
卒于官

趙至

字景真代郡人世士伍至年十三遂求師受業年十四遊太學遇嵇康於學舍寫石經心異之後亡到山陽求康不得而還年十六遊鄴復與康遇康稱其有白起之風身長七尺四寸有從

趙咨

南陽人仕吳為中大夫使魏魏主問吳王何等主咨對曰聰明仁智雄畧之主也魏主問其狀

咨辨析以對魏主大奇之

晉趙玄

晉師伐秦秦將姚洸時鎮洛陽洸部將玄說洸曰寇逼已深百姓駭懼衆寡勢殊難以應敵宜

攝諸戍兵士固守金墉以待京師之援時洸司馬姚禹潛通于檀道濟固勸洸出戰洸從之泣謂洸曰玄受三帝重恩所守正死耳但明公不用忠臣之言為姦孽所誤後必悔之會陽城及成臯滎陽武牢諸城悉降玄死于陣

趙整

洛陽人符秦時為散騎常侍常盡忠匡諫時秦主堅頗好酒色整常為詩上之曰昔聞孟津河

千里有一曲此水本自清是誰使令濁堅正色曰朕之過也

趙文深

南陽人少學楷隸雅有鍾王之則仕元魏為大丞相府法曹叅軍以善碑榜得名嘗刻定

隸書六體

行于世

趙知禮

字仲旦天水人涉獵文史善書翰初為陳武帝書記及武帝征侯景上表于梁元帝與王

僧辨論軍事其文竝知禮所製景平授中書郎封始平縣子武帝受命拜散騎侍郎大府卿

趙善

字儒慶天水人好學涉獵經史初仕魏累督長史加都督征虜將軍後仕西魏進爵為公從征

印山為敵所獲卒于東魏詔贈大都督諡曰敬

趙貴

字元貴天水人少穎悟有氣槩魏孝昌中討元顥有功累遷大都督孝武時以功遷太保太宗

伯封南陽郡公周閔帝初遷太傅進封楚國公

橫才氣遠西舉郡計吏到洛與父相遇時母已
亡父欲其官立弗之告建康中以良吏赴洛方

知母亡初至日恥士伍欲以官學立名期
於榮養既而志不就號憤慟哭啞血而卒

南趙隱

字彥深平原人性聰敏善書記安閑樂道不雜
交遊仕魏為丞相功曹叅軍專掌機密文翰多

出其手時人稱為
敏給累遷至司徒

趙倫之

字幼成下邳人幼孤貧事母以孝稱武帝起
兵以軍功封閭中縣五等侯累遷雍州刺史

及武帝受命以佐命功封霄城縣侯安北將軍
鎮襄陽少帝即位徵拜護軍又拜鎮軍將軍尋

遷左光祿大夫領軍將軍倫之雖外戚
貴盛而以儉素自處入為護軍五年卒

趙默

溫人魏獻文時選部尚書當官謹飭進爵為
河內公孝文立累功進爵為王謚曰康子

趙柔

字元順金城人少以德行才學著名河右沮渠牧捷時為金部郎歷著作河內太守甚著信惠

嘗在路得人遺金珠一貫呼主還之後有人遺柔鏹數百枚者柔與子善明鬻之市只索絹二

十足善明知其價賤欲取之柔曰與人交易一言便定豈可以利動心遂與之措紳聞而敬服

趙拔扈

新城人兄震動富於財為太守樊文茂所殺拔扈走免亡命至杜樹呪曰文茂殺兄今欲

報之若事克斫樹處便生不克即死三宿而樹生遂聚眾至成都殺文茂而還

趙琰

字叔起天水人父温卒于仇池惟母存初遭武氏亂琰為乳母攜奔壽春年十四乃歸孝心色

養飪熱之際必親調之為兗州司馬琰積四十餘年不得葬二親及蒸嘗拜獻未嘗不嬰慕絕

鹽菜斷諸餽味食麥而已世稱孝子

趙伯超

嘉興人太清二年吳郡信義俱為侯景所陷餘郡縣皆望風披靡伯超守錢塘其城堅不

可拔

趙昶

字長舒天水人少聰敏有志節魏孝昌中拜都督積功封章武縣伯加驃騎大將軍開府儀同

三司時氏首羌反昶悉平之後仕周進爵長道郡公賜姓宇文

趙伯符

字潤遠倫之子少好史易為寧遠將軍總領義徒以居官城北每火起及有劫盜輕身貫

甲冑助郡縣討武帝甚嘉之累遷徐兗二州刺史

趙文表

天水人累世為二千石文表少脩謹好讀春秋能左右射累功至大將軍爵為公子仁海

襲其爵

射徐州

刺史

趙剛

魏孝武帝與高歡構隙剛密奉旨召東荊州刺史馮景昭未及發而歡已逼洛陽孝武西遷景

昭集府僚文武議其去就司馬馮道和請據州待北方處分剛抽刀投地曰公若為忠臣可斬

道和如欲從賊可見殺景

昭感悟遂率眾赴闕右

隋

趙綽

河東人開皇初為大理丞執法平允累遷少卿高祖嘗以刑部侍郎辛亶永緝禪謂為厭蠱欲斬之綽執不可帝怒命斬綽綽曰執法一心不敢愛死乃釋之及卒帝為流涕

趙不器

子夏日冬曦和璧安貞居貞頤貞彙貞父子八人皆及第時稱科第趙家

趙輔和

臨漳人明易學占筮初為北齊神武館客所言無不中入隋累官通直常侍

趙芬

天水人少有辨智頗涉經史仕周累官內史時朝事疑不能決者芬輒為評斷隋初拜尚書左僕射與王誼脩律令兼內令未幾以老病出為蒲州刺史

趙逸

字思羣天水人好學速成仕姚興歷中書侍郎後歸魏拜著作郎歷中書性好墳典白首彌勤

年踰七十手不釋卷仕所著述詩賦頌五十餘篇

趙肅

字慶雍洛陽人早有操行知名於時元魏孝昌中起家殿中侍御史累遷左將軍太中大夫封清河縣子復除廷尉卿加征東將軍肅執法平允凡所處斷咸得其情廉慎自持不建產業時人以是稱之

趙深

字德深武威人韶子北齊以韶著大勲累遷深侍中將軍源州大中正武平末徐州行臺左僕

趙師雄

開皇中遷羅浮一日天寒日暮于酒肆傍舍見美人淡粧素服出迎時月色微明師雄與

語言極清麗芳香襲人因與扣酒家門共飲少頃一綠衣童子笑歌戲舞師雄寢久之東方已白起視在大梅花樹下有翠羽嘈啾相顧月落參橫但惆悵而已

唐趙冬曦

定州鼓城人擢進士第歷左拾遺神龍初上請律令格式宜刊定科條直書其事使愚夫

愚婦相率而遠罪犯者雖貴必坐律明則人信法一則主尊當時稱之官至國子祭酒

趙涓

冀州人為監察御史後為衢州刺史時觀察使韓況素不相容奏免官帝見其名問曰是豈永

泰時御史乎詔拜尚書左丞既至勞之曰卿正直朕所自知乃以罪聞朕不信

趙弘智

新安人元魏大將軍肅之孫通書傳太宗時累官黃門侍郎兼弘文館學士出為萊州刺

趙軌

洛陽人父肅後魏廷尉卿軌少好學有行檢後周蔡王引為記室隋初轉齊州別駕有能名徵

入京師與牛弘撰定律

令格式累官壽州總管

趙昱

嘉州刺史時有老蛟為害昱率千人臨江鼓譟自持刀入水有頃江水盡赤昱執蛟奮波而出

唐太宗封神勇大將軍廟祀灌江口

趙奘

天水人仕為冀州刺史視政嚴明吏民畏服嘗有病百姓奔馳祈禱冀痊其得民心如此冀民

市易多詐為銅斗鐵尺置之於肆上聞而嘉焉頌告天下著為令嘗有人盜奘田中禾藁者為

吏所執欲置於法奘曰此乃刺史不能宣布風化所致彼何罪焉慰諭遣之上幸洛陽奘來朝

上勞曰冀州民用殷實卿之蹟也

趙宗儒

字秉文鄧州穰人貞元中進士累官翰林學士時父驛遷秘書少監德宗欲寵其行使一

日竝命累官吏部尚書以司空致仕

趙居易

鼓城人天寶九年吳郡太守以嘉興海鹽地廣奏割置華亭縣又海鹽鎮節束之

趙隱

字大隱奉天人朱泚攻城時其祖植率家人奴客拒守賊平擢鄭州刺史父存約賊亂遇害隱

與兄隙廬墓十餘年不應辟召後擢第拜相子光逢光裔光胤皆登第光逢為翰林學士光裔

知制誥

趙驊

玄宗時安祿山陷陳留驊沒于賊時江西觀察使韋儼族妹坐其夫為畿官不供賊沒為婢驊

哀之以錢贖韋厚為資給賊卒訪近屬歸之時人高其義

史以父禮事兄弘安兄卒哀慟過期撫
兄子慈均所生永徽初為國子祭酒

趙叶

大定初任贊皇令甚有政聲比秩滿民不忍其
去鄉貢進士孔明撰德政碑畧叶字和甫儀封
人來宰邑憂公如家政平訟理由是民歌之曰
百姓乏食死於溝瀆公力濟之而得延續我本
窮愁朝夕不給我哺我衣率免不憚我本失業
困乏道路復土給田而得安處我本惰農田萊
多荒督勉以勤而有
積倉其得民心如是

趙觀文

臨桂人乾寧初狀元及第是年試觀人文化
成天下賦內出白鹿宣示百僚詩放進士張
貽憲等二十五人觀文第八被黜者訴不當乃
重試觀文遂魁多士相傳是時劉季述輩專橫
觀文以為言忤宰相崔胤意
謝病歸或又謂官終侍講

趙昶

字大東，犍之弟。神采軒異，而內沉厚。有法度，黃巢圍陳昶夜寢，若有神相之者。比旦決戰，禽首

首數人，斬千餘級，犍領泰

寧節度，以昶為州刺史。

趙知微

衡山人。穆宗時，以布衣上書詞旨，危切帝詔。宰相慰諭，宰相因賀天子納諫，然不能用。

趙黈

鹽亭人。篤學不仕。明王霸天人大畧，李白有懷趙微君詩，即黈也。

趙德

潮州人。舉進士，沉雅專靜，通經有文章。能知先王之道，其論說排異端，而宗孔子。韓愈在潮請

置學校，命德為師。邦人知學自此始。今郡學韓愈廟，皆祀之。號天水先生。

趙奉璋

咸寧太守。上言李林甫罪二十條，杖殺之。

趙孝祖

永徽中，朗州總管。討白水蠻，平之。因奏勃弄，以西與葉榆、洱河相接，無大酋長，好結讎，怨

趙昌

字洪祚天水人初拜安南都護夷落嚮化後還朝以裴泰代之未幾州將逐泰德宗召昌問狀昌年逾七十占對精明復拜安南都護詔書至人相賀叛兵即定憲宗時為工部尚書遷太子

少保

趙憬

字退翁渭州人德宗時李泌薦其志行拜給事中未幾進同平章事精于治道每以國本在選賢節用薄賦斂寬刑罰懇懇為帝言之

趙武孟

張掖人少游獵以所獲饋其母母泣曰汝不好書而教蕩吾安望哉不為食武孟感激遂力學淹該書記自長安丞為右臺御史著河西人物志十篇子彥昭少豪邁風骨秀爽及進士

第景龍中累遷中書侍郎同平章事

趙啓

泰和中泉州刺史開晉江縣天水淮以灌田民德之甚

趙熙正

開元末為晉江縣令開晉江鑿溝通舟楫至城下民德之

趙昌

貞元間泉州刺史鑿塘水以灌田為利甚博郡人懷之

趙翽

安州人徙居天水母歿廬墓刺血以寫佛書及父歿益毀瘠翽卒子光遠毀瘠如其父詔表其

墓門

趙植

當德宗出狩變倉卒羽衛單寡朱泚攻城急植率家人奴客以死拒守獻家財勞軍帝嘉之賊

平累擢鄭州刺史鄭滑節度使

趙珣

字有節雄毅喜書善騎射黃巢圍城珣激勵麾下約皆死以冢通賊畏見殘毀乃夜縋死士取

明年移文大破西南夷
撫而安之其境遂定

趙和

咸通中江陰令能以片言折獄淮陰有農為西鄰不認贖契錢八百緡州縣不能決越江來訴

事乃明

趙縱

守慶州與党項戰死杜牧哭以詩將軍獨乘鐵驄馬榆奚戰中金僕姑死國却是古來有驍將

自驚今日無

趙矜

舞陽簿吳少誠反矜誓不從叛以縣來歸

趙延之

大厯中巴川令時資瀘夷賊寇掠縣境延之領兵襲破之以功陞合州刺史兼渝合資瀘

經畧巡撫使

公輔器宋初起為尚書右丞有詩集二十卷
子暇舉進士官至殿中丞亦有文集十卷

趙犖

青州人幼與羣兒戲部分行伍指顧如大將及壯善弓箭勇果重氣又拒黃巢有功仕梁為忠

武軍節度使犖卒弟翊代立有德政及卒陳州人為之罷市

趙光逢

字延吉時人稱其方直溫潤謂之玉界尺唐亡仕梁為中書侍郎同門下平章事累遷左

僕射以太保致仕

萬姓統譜卷八十二